

Buddsoddiad £12.2m i helpu achub adeiladau hanesyddol y DU

26/09/2023



St. Conan's Kirk, Argyll, Yr Alban Llun: Andrew Prins

O'r unig d? iâ to gwellt o'i fath i'r sinema hynaf yng Ngogledd Iwerddon, rydym wedi dyfarnu cymorth a fydd yn achubiaeth i 12 o adeiladau treftadaeth.

Mae'r ariannu hwn yn ymestyn o Argyll a Chaerdydd i Belfast a Lowestoft a bydd yn dod â chwa o awyr iach i fannau hanesyddol. Bydd y safleoedd yn cael eu trawsnewid yn asedau pwysig sydd wrth wraidd eu cymunedau lleol.

Mae pum prosiect wedi derbyn cyfanswm o £10.4m mewn grantiau ac mae £1.8m pellach wedi'i ddyfarnu i saith sefydliad i ddatblygu eu cynlluniau adfywio treftadaeth.

Meddai Eilish McGuinness, Prif Weithredwr, Cronfa Treftadaeth y Loteri Genedlaethol: “Mae achub treftadaeth wrth wraidd yr hyn a wnawn, ac edrychwn ymlaen at weld y prosiectau syfrdanol hyn yn gwella cyflwr a dealltwriaeth o'r dreftadaeth bwysig y maent yn gofalu amdani, gan leihau maint y 'dreftadaeth sydd mewn perygl', a chyflwyno prosiectau trawsnewidiol ar gyfer cymunedau ar draws y DU.”

Y pum prosiect sy'n derbyn grantiau treftadaeth yw:



Duo Vita Circus yn perfformio yn y T? Iâ yn Great Yarmouth Llun: Paul Marriott PA Wire

Historic Ice House, Great Yarmouth (£1,968,061)

Wedi'i adeiladu rhwng 1851 a 1892, defnyddiwyd y safle ar un adeg i gadw bwyd môr ffres cyn ei gludo i farchnad bysgod Billingsgate yn Llundain. Dan arweiniad Out There Arts, bydd y safle'n cael ei adfywio fel Canolfan Rhagoriaeth Syrcas a Chelfyddydau Awyr Agored.

The Strand Arts Centre, Belfast (£768,069)

Dan arweiniad Cyngor Dinas Belfast a The Strand Arts Centre, bydd sinema hynaf Gogledd Iwerddon yn cael ei thrawsnewid gyda'n hariannu. Bydd ymwelwyr yn camu'n ôl mewn amser i gael profiad 'amgueddfa fyw' o sinema cyn y rhyfel.

Marchnad Fictoraidd, Caerdydd (£2,091,500)

Bydd y farchnad restredig Gradd II* yn Ardal Ddiwylliannol Castell Caerdydd yn cael ei hadfer gan Gyngor Caerdydd, gan adfywio ei strwythur a gostwng costau ynni. Agorodd y safle, sy'n sefyll ar safle drwgenwog Carchar a chrocbren Caerdydd, ym 1891.

Eglwys St. John's yn Chatham, Swydd Gaint (£2,318,287)



Neuadd y Dref Lowestoft, Suffolk

Mae'r adeilad 'mewn perygl' hwn ar fin dod yn Hyb Cymunedol Porth ffyniannus a chynaliadwy. Nod y prosiect, a fydd hefyd yn derbyn £1m o'r Gronfa Future High Streets trwy Gyngor Medway, yn adfywio treftadaeth yn Chatham am genedlaethau i ddod.

Lowestoft Town Hall, Suffolk (£3,257,512)

Yn wag ers 2015, bydd Cyngor Tref Lowestoft yn adfer yr adeilad rhestredig Gradd II. Bydd yn sefydlu cyrchfan gymunedol i ennyn diddordeb pobl leol, yn gwella bywydau trigolion, ac yn trawsnewid calon hanesyddol y dref.

Mae ein hariannu'n helpu sefydliadau i ddatblygu eu prosiectau



T? Alice Billings, Stratford

Mae saith sefydliad arall wedi derbyn arian datblygu i gwblhau cynlluniau creu hybiau cymunedol ar gyfer ymgysylltu, addysg, creadigrwydd a lles:

- **St Conan's Kirk, Argyll, Yr Alban (£93,792)**
- **Eglwys Sant Collen, Llangollen, Cymru (£94,886)**
- **Alice Billings House, Stratford, Newham, Llundain (£467,172)**
- **Rock Hall Revival, Bolton (£466,662)**
- **Woodoaks Farm, Rickmansworth, Swydd Hertford (£201,392)**
- **Ellesmere Yard, Swydd Amwythig (£409,993)**
- **Napper Cottage, Cranleigh, Surrey – Ysbyty Bwthyn cyntaf Lloegr (£58,700)**

Mynnwch gael gwybod sut mae ein hariannu'n cefnogi treftadaeth a chymunedau

Ein gweledigaeth yw i werthfawrogi a gofalu am dreftadaeth ac i'w chynnal ar gyfer pawb, nawr ac yn y dyfodol. Darganfod sut mae ein [Strategaeth Treftadaeth 2033](#) newydd yn ceisio rhoi hwb i economïau lleol a dathlu treftadaeth.




arddeb hefyd mewn ...



[026](#)

[Svmlrwvdd, hvhlvgrwvdd a nhrosiectau treftadaeth sydd wedi'u hymwreiddio mewn](#)



National Lottery Awards 2023 shortlist announced! Who will get your vote?